

弘

簡

錄

弘簡錄卷四十四

明刑部員外郎仁和邵經邦弘齋學

皇清翰林院侍講學士四世孫遠平校閱

庶官 唐六之五 武職

劉昌 辛雲京 從弟京果旻 邢君牙 張萬福

王虔休 李澄 伊慎 范希朝 闕巨源

楊朝晟 高周附 陽惠元 子 李觀 杜希全 朱忠亮

李自良 劉昌喬 孟元陽 韓全義 趙昌

高崇文 子承簡 李光顏 兄光進 烏承胤 附石洪李琪

王沛 子達 高霞寓 盧從史 高瑀 劉沔

石雄 曹華 郝玘 段佐附 史敬奉

劉昌字公明開封人出自行間少習騎射從河南張介然討安

祿山授易州遂城府果毅適有事至宋州史朝義圍方亟城中
食盡刺史李岑計蹙說以李光弼在河陽勢必來援計肩磨中
麴藥可支二十日則救至矣岑聽之昌乃鎧盾登城大陳逆順
賊攻稍緩外援果至城賴以完由是知名表聞超授左金吾衛
郎將留光弼軍會卒王縉遣歸宋爲牙門將轉太僕卿兼許州
別駕刺史李僧惠欲從李靈曜叛密遣僧神表開說僧惠名昌
問計雪泣懇禱陳示逆順僧惠悟卽遣神表詣闕馳奏請自將
討賊遂翦靈曜左翼卒不得逞事平李忠臣嫉殺僧惠昌潛遁
劉玄佐刺許乃復其職轉太常卿兼華州別駕及鎮宣武擢爲
左廂兵馬使李納反以師收考城充行營諸軍馬步都虞候檢
校太子詹事兼御史中丞明年玄佐圍濮州令攝刺史李希烈
陷汴玄佐遣將高翼提兵守襄邑城陷翼赴水死江淮大震時

昌以三千人守寧陵。希烈衆五萬攻城，相拒四十五日，身不解甲，深塹以遏地道。凡有內顧者，悉斬。激勵將士，咸有死志。用能以一當十，賊敗圍解。玄佐大賞異之。相對涕泣，賊攻陳州刺史李公廉，求援。合玄佐浙西兵三萬救之。未至五十里，與賊遇。昌晨壁其陣，未得成列，大破之。擒賊將翟曜，希烈退保蔡州。自此不復侵軼。詔加檢校左散騎常侍、汴州平進、檢校工部尚書、封南川郡王，增實封通前二百戶。母憂，贈梁國夫人。起復金吾衛大將軍。貞元三年，玄佐入朝，上因委以宣武士八千北出五原，臨行，斬逗遛沮事者三百人。軍中懼服，尋授京西北行營節度使。歲餘，除涇州刺史、涇原節度，兼四鎮北庭行營度支營田等使。受詔城平涼，以拖鞞筆峽口，命徒戍事，旬餘而畢。又於平涼西別築胡谷堡，名曰彰信，分兵援戍。越其要衝，開地二百餘里。

加檢校右僕射收瘞被劫尸骸因感夢若有所謝上開德宗下
詔哀痛出內造衣服數百襲各具棺槨葬於淺水原建二塚大
將曰旌義將士曰懷忠詔學士撰銘志祭文遣秘書孔述睿及
內使素服設次牢饌祭之師徒莫不感涕十四年歸化堡亂逐
大將張國誠詔昌經略誅亂首數百人復其任凡居西邊十五
年強本節用墾田力農軍有美食銳新器械障塞保寧以疾卒
年六十四廢朝一日贈司空

辛雲京蘭州金城人客籍京兆世爲將家兄弟數人並知名于
時雲京性沉毅有膽畧立志剛決每在戎行禽生斬馘功常冠
軍遷特進太常卿史思明屯相州以銳兵四千襲滏陽與弟曼
追破其衆至浪井授開府儀同三司代州刺史都督鎮北兵馬
能授太原尹進封金城郡王謹于治法下有犯絲毫罔貸至賞

功亦如之故軍中畏而信回紇入朝恃功鈔暴畏其威望遂不敢肆待以戎狄故禮數年大治加檢校右僕射同中書門下平章事卒年五十五代宗發哀流涕贈太尉謚忠獻葬日命中使弔祀將相祭者至七十餘輓喪車移峇乃得去德宗時第功以次至德將相 從弟京果與曼少以策干信安王禕評詔加異俱從李光弼出井陘定恒趙忤趙盪先驅力戰嘉山肅宗異之名見此爲韓彭關張之流累遷鴻臚卿名爲英武軍使代宗立封肅國公遷左金吾衛大將軍爵晉昌郡王歷湖南觀察使至工部尚書致仕朱泚亂老病不能從西狩慟而卒贈太子少保曼署太原三城使東都陷退守河陽卒于屯

邢君牙瀛州樂壽人少從幽薊平盧軍以戰功歷果毅折衝郎將平盧兵馬使從侯希逸涉海入青州又從田神功討劉展威

有功歷將軍試光祿卿神功鎮充郾遣將防秋兵屯好畤吐蕃
犯京以蒞禁軍扈從代宗幸陝加鴻臚卿累封河間郡公建中
初李晟從馬燧討田悅以爲都將戰于武安襄國洹水魏縣清
豐生擒斬馘功咸居最又率先倍道赴德宗奉天之難晟徙屯
渭橋軍中便宜惟君牙得豫收京加御史大夫檢校散騎常侍
晟轉鳳翔數行邊常令知留後事軍府安悅入朝代爲鳳翔尹
隴右觀察使檢校工部尚書俄領節度使勸耕講戰增修守備
吐蕃不敢侵又城隴州平戎川號永信城進檢校右僕射卒年
七十一贈司空爲人屈已好士有布衣張汾干之軒然上坐會
搥簿書怒吏盜設宴錢五萬將置于罪汾不謝而去語人曰吾
在京時聞君牙一時豪俊今乃與設宴吏論錢云何君牙聞之
慙遽釋吏引爲上客

張萬福魏州元城人三世明經仕止縣令州佐萬福改學騎射
從王斛斯以別校征遼東有功李暉代劉展署爲部將效首萬
級累攝壽州刺史舒盧壽都團練使押送租賦詣都至頴爲盜
所劫萬福領輕兵尾襲賊倉卒不虞其至悉擒之盡得所亡并
先掠人妻女財蓄萬計真拜刺史兼淮南節度副使節度世因
忌之改鴻臚卿使將千人鎮壽州時平盧行軍司馬許杲將卒
三千駐濠州陰窺淮南圖使萬福再攝濠州當塗賊陳莊陷舒
州圖又令攝舒州刺史督賊萬福不以爲恨悉窮破株黨代宗
聞其名召赴京師媼以許杲因前謝曰陛下以一杲名臣如河
北諸叛將欲以屬何人帝笑曰且爲朕了此事卽大用卿乃拜
和州刺史兼行營防禦使杲聞其至果懼徙屯上元過楚州大
掠節度使韋元甫使萬福追討未至杲將康自勸逐其主轉寇

淮東萬福倍道追殺之盡還所剽於民帝下詔褒美賜襲衣官
錦久之詔率本鎮兵千五百人防秋京西帶利州刺史鎮咸陽
因留宿衛李正己反屯兵埽橋江淮漕艘及進奉船千餘不敢
踰渦口德宗拜萬福濠州刺史卽馳至立馬于岸悉發所滯舟
相銜以進淄青兵馬倚岸熟視不敢動改泗州刺史辭老名還
授右金吾將軍圖形凌煙閣諫官陽城等諫止裴延齡入相詣
延英門伏閣不去帝震怒左右方懼禍出不測萬福於閣前徧
揖城等勉以益勵大言稱賀曰闕有直臣天下太平矣孰意老
臣年八十見茲盛事天下聞之愈重其名俄以工部尚書致仕
卒年九十自始至終祿食七十年未嘗一日言病蒞凡九州皆
有惠愛陳少游罷縱因李希烈反悉質部刺史妻子送揚州萬
福獨不遣語使者轉白妻老且醜不足恩公意魏州饑令兒子

將米百車為糜哺之贖還自贖者給資而遣人以是稱

王虔休字君佐汝州界縣人本名延貴少涉學有材武以信義為鄉黨畏慕大曆中刺史李深奏為裨將李抱真素聞其名厚幣招之署澤潞兵馬使從討河北戰雙崗臨洛以功擢步軍都虞候累加御史中丞至大夫封同昌郡王實封百戶抱真卒裨將元仲經等謀樹其子緘一軍思亂虔休正色語以軍州為上所主帥亡當稟命何故妄謀眾服其言謀遂寢德宗嘉之會邕王頊昭義節度大使擢虔休左司馬知留後事賜今名號令撫循軍中大治司馬元誼先據洛州叛遣將李延芝討之戰于長橋斬級數百又敗之鷄澤決水灌城遣掌書記盧頊入見為陳利害誼乃奔魏授頊洛州別駕以守治潞二歲真授昭義節度使檢校工部尚書始屬城州縣守宰多署他職不親政故治苟

簡至是悉增俸廩造就部人以安妥卒年六十二贈左僕射諡曰敬爲人性恪敏飾用度旣沒所部帑廩皆可支數歲先時有太常樂工劉玠至潞令撰繼天誕聖樂以帝誕日以獻其樂以宮爲調示五音有君也以土爲德木五應在中也奏二十五疊法二十四氣而成一歲歷十六拍象元凱登庸于朝也後中和樂本于此子麗成等十人並補太學生

李澄遼東襄平人隋蒲山公寬之遠胄父鎬清江太守徙居京兆澄初以勇慆爲江淮李暉府偏將建中初從李勉帥汴表澄滑州刺史遇李希烈叛以城降僞授尚書令節度永平軍興元初密遣盧融問道奉表詣德宗行在蠟詔授刑部尚書汴滑節度使封隴西郡公度希烈兵少不能制已悉燔旗節自歸攻兵部尚書封武威郡王賜寶封五百戶希烈奔汝南澄引兵取汴

屯于北門賊將田懷珍自東門納劉洽師比澄入洽已保子城澄乃舍浚儀兩軍爭忿未能安會賊將孫液以鄭州送欵澄遣子清馳赴納之詔授清檢校太子賓客易名克寧貞元初遷澄尚書左僕射義成軍節度使二年卒年五十四贈司空克寧闕不發喪欲自領節度殺行軍司馬馬鉉將爲亂劉洽遣使諭止詔以賈耽代鎮克寧方護喪歸

伊慎字寡憐兗州人通春秋戰國策并天官五行書以善騎射爲折衝果毅喪母將合葬不知父墓晝夜號哭夢有導者發壙視之果得乃寔哥舒晃叛路嗣恭選爲先鋒疾戰破賊斬級三千遂下韶州再戰把江口水湍駛爲桴翼薪乘風縱火賊焚溺不可計與諸將追斬晃于泔溪函首闕庭賞功授連州長史加開練副使稍遷江州別駕會討梁崇義不受李希烈署官獨率

所部破之於蠻水俘卒三萬襄漢平功多希烈愛其材數遣馬幣欲廢止之用計遁歸明年希烈反嗣曹王臯至鍾陵得而壯之拔爲大將希烈詐爲慎書遺以七屬甲帝遣中使卽軍中斬之臯表列其誣未報賊泝江徇地臯授慎兵勉令自効大破賊兵三千朝廷信而釋之累收黃梅次長平殺賊將韓霜露斬級千餘拔蔡山寨復降賊將李良遂下蘄州優詔褒異卽拜蘄州刺史試太子詹事兼御史中丞封南充郡王仍充兵馬節度使德宗幸梁洋包信轉東南糧幣赴之次于蘄口希烈遣將杜少誠以萬兵遏江道俾不得西慎選士七千列三屯相望偃旗以待少誠分圍未合慎自中屯鼓之諸屯悉出奮擊賊亂少誠走斬別將許少華封尸爲京冢漕無留艱進圍安州希烈勿劉戒虛以兵來援慎逆擊于應山禽之縛示城下遂開門降以功拜

安州刺史兼御史大夫賜實封百戶攻隋州賊厲鄉斬首五千
級論降李惠登卽薦爲刺史拜慎安黃州節度管內度支營田
觀察等使吳少誠反詔領步騎五千兼統荆湖南江西兵當一
面遇賊三州港營義陽戰于申州城南斬首數千加檢校刑部
尚書貞元末安黃賜名奉義軍卽爲節度使檢校右僕射憲宗
卽位以兵付其子宥身入朝真拜右僕射兼金吾大將軍以錢
賂宦人第五從直求帥河中事暴貶右衛將軍數月復舊改右
衛上將軍卒太子太保謚曰壯繆

范希朝字致君河中虞鄉人初事韓游瓌爲邠寧軍虞候赴奉
天難戰守有功累兼御史中丞擢寧州刺史治軍整毅游瓌畏
其逼已將伺隙殺之希朝懼奔鳳翔德宗召至京宿衛隸左神
策軍貞元四年游瓌臨政無狀邠將請以代之希朝自謂始偪

而來終代其任非所以防覬覦安反仄也。因讓於張獻甫軍中。憚獻甫嚴以兵脅監軍使。因請必得希朝乃拜邠寧節度副使。俾佐獻甫。俄遷振武節度使。檢校禮部尚書。党項室韃雜居川阜。暴掠爲患。日夕輒肆。謂之刮城門。居民駭懼。鮮有寧日。希朝周知要害。制屯堡。斥羅嚴密。人始獲安。小有竊取。必殺無赦。鹵人憚伏若神。先時帥至。必效駝馬。一無所納。積十四年。賊保邊塞。不敢肆。橫舊城中。外少樹。遍蔭榆柳。越歲成林。貞元末。年諸鎮。述職者少。因獨請入朝。帝大悅。拜檢校右僕射。兼右金吾衛大將軍。代以行軍司馬。閻巨源。順宗時。王叔文將授其黨。韓泰以兵柄利。希朝易制。用爲右神策統軍。克京西諸城鎮。行營節度使。鎮奉天。不久。罷。憲宗立。仍舊官。改左僕射。俄檢校司空。出爲朔方靈鹽節度使。沙陀衆始強。招致其族。自甘涼赴鎮。衆且

萬餘資其安戢後以之討賊所在有功人以此趨充國久之移鎮河東率師討王承宗敗之木刀泐然以老病玩寇不前不能有大功還朝改左龍武統軍以太子太保致仕卒贈太子太師諡宣武巨源初爲勝州刺史以材力進無他智能然以寬厚爲將卒所懷至邠寧節度使檢校左僕射卒

楊朝晟字叔明夏州人興于行間以功授甘泉府果毅建中初從李懷光討劉文喜斬獲功多加驃騎大將軍又從唐朝臣討李納爲先鋒兵馬使有功授開府儀同檢校太子賓客懷光赴奉天難屬以千兵下咸陽加御史中丞賜實封百五十戶其父懷賓爲韓游瓌將懷光反游瓌退保邠寧留後張昕大索軍實募士萬人先趨河中以應懷光懷賓與高固夜以數十騎斬昕及同謀者告于行在德宗勞問授懷賓兼御史中丞朝晟泣見

懷光曰父立功子不可主兵遂繫之懷賓與諸將共平懷光戰甚力帝原朝放罪卽除游瓌都虞候父子皆開府軍中以為榮後詔張獻甫代游瓌軍中有裴滿者扇亂密計首惡斬二百餘人獻甫得入加御史大夫貞元九年城鹽州發卒護境命屯木波堡會獻甫卒有詔代為邠寧節度使母喪起復左金吾大將軍邠州刺史十三年自率部兵請築方渠合道木波三城要路帝問前城五原與師七萬今何易邪對曰鹽州之役敵先知之今臣境迫敵料王師不十萬勢難輕入密發部兵十日至塞下未二旬城畢積芻聚糧留卒守之寇至不可拔此萬全計也若大發兵閱月乃至敵知必來戰則不暇城矣帝納其策師次方渠水乏有青蛇降隨其走跡水從而流使築防禦之遂為淳淵士飲仰足圖上其事帝詔置祠名應聖泉吐蕃果率衆至不能

善乃引去復城馬嶺而歸開地三百餘里。因四世祖傑永徽中爲北廷安撫使會車鼻可汗以功拜安東都護固生微賤其家轉賣爲渾瑊童奴呼爲黃芩性敏惡有勳功善騎射能讀左氏春秋瑊愛之如已子因舉齊高固名命之妻以乳媪女從屯朔方戰奉天賊突入東墜門固引銳士長刀連砍數賊一以當百曳車塞竇賊不能入論功封渤海郡王以斬張昕功拜檢校右散騎常侍前軍兵馬使十七年朝晟卒軍中皆屬意之會將併汾州朔方爲一軍朝議用渾瑊舊將李朝采爲節度固乃逃匿軍中堅以爲請帝遣中使薛盈珍賫朝命至軍中拜之加檢校工部尚書固本宿將且寬厚一軍始安乃徇曰毋殺人毋肆掠衆咸順悅順宗立就轉檢校禮部憲宗時加右僕射數年入爲右羽林統軍卒贈陝州大都督

陽惠元平州人以超勇奮忠毅多權畧稱為名將初蒞平盧劉
正臣後從田神功李忠臣浮海入青州詔以兵隸神策充京西
兵馬使鎮奉天時諸鎮跋扈或傳上欲東封以汴州城隘命增
築之淄青李正已聞之移兵萬人屯曹州魏博田悅亦增兵河
上河南大擾詔惠元移兵萬二千以備關東德宗御望春樓嘗
帥因勞遣諸將酒至將士不敢飲帝問故對曰初發奉天臣與
眾約不立功不飲酒以是木敢食其言帝容歡不已翌清慰勞
俄田悅叛復詔領兵三千同諸將致討賊御河李三橋其功居
多加檢校工部尚書攝貝州刺史令以兵屬李懷光與李晟李
建徽聯營便橋晟知懷光且叛移屯東渭橋奏請合兩軍皆往
以備賊為解趣裝進道則懷光計無所施帝不從是夕懷光奪
二軍二將咸走奉天懷光遣將冉宗馳騎追及於好畤惠元被

髮呼天血流出背袒裊戰而死。二子屢罵賊，并中皆及害。建徽得免，詔贈惠元左僕射。晟殿中監，高邠州刺史。少子曼字公素，時被八剗墮，別并因救得免。後歷邢州刺史。盧從史被縛，潞有驍卒五千來奔，咸受從史恩，以子視者，曼閉城不內，衆皆哭曰：「奴失帥，今公有完城。」又度支錢百萬在府，少賜之，爲表天子求旌節，曼開論禍福，遣之。衆感悟，遂還軍。憲宗嘉之，遷易州刺史。討蔡爲唐州刺史，提兵深入二百里，薄申州，拔外郭，殘其垣，以功加御史中丞。容州西原蠻反，授本州經畧，招討使，擊定之。進御史大夫，合邕容兩管爲一道，卒贈左散騎常侍。

李觀少習武藝，沈厚寡言，有將帥識度。其先自趙郡徙洛陽，乾元中以策干郭子儀，遣佐坊州刺史吳仙充防遏，使以親喪解寓居盤屋，會吐蕃內寇，觀率鄉里子姓千人守黑水，西蕃不敢

侵嶺南節度楊慎微奏爲偏將徐浩李勉相繼倚以軍政平劇賊馮崇道遷大將試殿中監名爲右龍武將軍涇師叛觀適番上卽領兵千餘扈駕奉天詔爲都巡警使訓練諸軍增募五千餘衆葺旂謹堅士氣益振上頗倚賴之賜封戶二百授二子龍寓八品官由梁州遷韶總後軍擢四鎮北廷行軍司馬充涇原節度使檢校兵部尚書在鎮四年訓練部伍儲藏饒行平涼之盟何知狡謀潛伏兵險道賊得遁免優詔褒賚入朝除少府監工部尚書卒贈太子少傅

杜希全京兆醴泉人少從軍隸郭子儀爲裨將積功至朔方節度使軍令整嚴士畏其威奉天之難首率兵赴之次漢谷爲賊邀擊乘高縱石盪弩雜發德宗使援之不克還保邠州論功加檢校戶部尚書行在都知兵馬使從幸梁州遷遷檢校右僕射

魏鹽豐夏節度使封餘姚郡王將卽屯獻體要八章託切攻病
帝嘉納賜君臣箴一篇尋加太子少師夏綏銀都統建言鹽州
據要害爲塞保鄯自平涼背盟城陷於敵自是靈武勢隔鄯坊
單逼深爲邊患請復城鹽州乃詔希全及朔方邠寧銀夏鄜坊
振武及神策行營諸節度合士三萬五千屯鹽州又敕涇原劔
南山南軍深入吐蕃牽撓其力使不得犯塞執版築凡六千人
閱二旬畢中外稱賀寇於是懼不敢輕入自居河西久頗越法
橫肆忌鹽州刺史李景畧名出其右疑逼已遂排劾之又誣殺
判官李起帝爲容忍以風眩卒贈司空廢朝三日

朱忠亮字仁輔本名士明汴州浚儀人初爲薛嵩裨將大曆中
詔移普潤縣掌屯營開田疇有功擢太子賓客朱泚亂率麾
下四十騎奔奉天德宗嘉之封東陽郡王賜定難功臣扈符梁

州爲賊鈔獲繫長安獄賊平李反釋之薦於渾瑊署定平鎮都
虞候至鎮使憲宗立加御史大夫涇州將楊琦謀拒詔爲亂不
克死乃授忠亮檢校工部尚書涇原四鎮節度使賜今名在鎮
能隱覈軍籍黜鼠名者三千歲收糧料十餘萬緡惟老卒得貸
戰士感奮涇俗舊多賣子贖還之以築潘原城有勞改封丹陽
郡王卒贈右僕射諡曰靈

李自良兖州泗水人遭祿山亂從充節度能元皓以戰功授
右衛率又從袁傜討袁晁積閱試殿中監隸浙東薛兼訓幕府
復從鎮太原授河東押衙更事飽防會回鶻入寇防令大將焦
伯瑜杜榮國將兵擊之自良諫以敵遠來其鋒未易爭且堅壁
勿動要其歸路築壘以待伺其求戰不得師老自旋從而阨之
策之上也防不從促伯瑜等逆戰遇敵於百井大敗而還由是

知名馬燧代防奏署代州刺史仍爲軍候爲人勤恪有謀燧深
委信之從破田悅及討李懷光皆爲大將專河東軍前後戰績
居多燧立功名由其協輔力也貞元三年從入朝德宗欲以代
燧懇辭不敢忘本物議多之乃授右龍武大將軍入謝帝面諭
河東審邊戍難於擇帥卿於馬燧存軍中事分誠爲得體然
北門之倚無易於卿即日中前命拜檢校工部尚書兼御史大
夫太原尹北都留守河東節度支度營田觀察等使在鎮九年
以簡儉守職軍民胥悅雖起戎伍勤必循法畧不以暴戾加人
卒年六十三上甚嗟惜廢朝一日贈左僕射

劉昌裔字光後太原陽曲人幼重趨不妖戲常若有所思度及
壯西遊三蜀說降楊惠琳卽佐爲瀘州從事琳死往客河朔曲
環方攻濮州表爲判官授監察御史爲檄諭李納開曉大義德

宗覽之嘆異從環鎮陳許加兼御史中丞克營田副使賜紫環
卒上官況知後務吳少誠引兵薄陳況欲迺去昌裔追止之曰
受詔守備死乃其職况城中士馬完奮糧又足支若堅壁不戰
五七日後賊氣必衰我可以全制之况始有固志賊攻堞壞不
暇修密造飛柵聯柵隨輒補葺俾得不陷分士千人出擊走賊
兵馬使安國寧潛謀應賊昌裔以計斬之名其麾下千人爲戮
人賞二緡乃伏兵於道令持緡者斬一不能脫以功擢况陳許
節度使昌裔陳州刺史賊不敢至其城下韓全義敗引軍來奔
且求入保拒以上命討蔡何故來陳舍之城外明日從十餘騎
持牛酒抵營勞軍全義不意其至迎拜歎服貞元十八年改陳
許行軍司馬况卒軍中推之詔授檢校工部尚書賜以節鉞封
彭陽郡公命境上吏不得犯蔡人間有犯者縛送自治少誠慙

亦禁其軍無暴境上憲宗卽位懲創藩臣自立之弊欲召之重
生變會大水壞城郭溺民人乘人心愁苦遠召還京師代以韓
舉拜檢校左僕射兼左龍武統軍冒裔知帝意因稱風眩卧第
尋卒贈潞州大都督諡曰威

孟元陽史失其所人初從陳許軍起家至爲大將理戎整肅
善部署節度使曲環檄董西華屯田盛夏芒屨督作親涉泥塗
役休乃就舍人咸樂勸田輒歲收軍食常足吳少誠來寇嬰城
固守外無救援終不能害賊遁去許城獲完韓全義敗列將多
私歸獨與神策將蘇元策宣州將王幹以所部屯潞水破賊二
千詔拜陳州刺史兼御史大夫元和初遷河陽節度使檢校工
部尚書五年加檢校右僕射徙帥昭義軍入爲右羽林統軍封
趙國公改右金吾大將軍卒贈揚州大都督

韓全義素寒賤起家卒伍以巧佞事宦者竇文場握長武城使
素貧懦無紀律轉夏綏銀宥節度使以長武兵赴鎮衆譴言夏
州沙磧無樹藝生業不可往其夜遂亂全義縋城逃殺親將
王柄嚴趙虔曜等虜侯高崇文誅亂首衆方定全義赴屯會吳
少誠拒命德宗因用爲淮西行營招討使副以陳許節度使上
官況諸鎮兵皆屬焉素乏方畧號令悉稟監軍買英秀等每議
攻戰分爭帳中不能決天方暑濕遇賊廣利城士皆病瀉遂潰
退保五樓賊移兵逼之入屯陳州宦人共掩其敗帝不及知少
誠漫書求洗前咎宰相賈耽請納其誠帝然之全義班師過闕
下託疾不入謁還屯夏州憲宗在藩疾之旣嗣位全義大懼願
入覲獻女樂八人帝不納以太子少保致仕卒

趙昌字洪祚天水人祖不器父賢皆有名於時昌始爲昭義李

馬燧救臨洛戰。沮水收河中。皆有功。歷前後軍牙門將兼御史中丞。繼從郭子儀收兩京。授代州刺史兼御史大夫。封范陽郡公。食邑二百戶。上元初。子儀討大同橫野清塞。范陽河北殘寇用爲都知兵馬使。尋遷渭北節度使。永泰初。封武威郡王大曆四年。檢校戶部尚書知省事。未幾。檢校刑部尚書兼太子太保。元和四年。王承宗范希朝引師救易定。表爲都虞候。戰木刀溝。有功。時光顏亦在行間。軍中分別呼爲大小大夫。六年。加銀青階。檢校工部尚書。充單于大都護兼振武軍節度使。詔稱夙有誠節。克著茂勳。賜姓李氏。八年。遷靈武節度使。卒。年六十五。贈左僕射。光進性孝友。居母喪三年。不歸寢室。築墳城南原。將相致祭。咸以爲榮。時光顏先娶。妻以家政。母卒。弟使奉管。鬻家財歸于其姊。兄以母命不可改。仍反之。因相泣良久。復如初。光顏

天質雄傑。旃自謂不及。初爲河東裨將。馬燧解佩刀以贈。言汝有奇相。後必光大。討李懷光。楊惠琳。皆有功。高崇文平蜀。擢旗斬將。出入如神。名以益振。元和中。歷代洛二州刺史。兼御史大夫。本州團練使。主師討蔡。遷陳州刺史。充忠武軍都知兵馬使。踰月。遷節度使。檢校工部尚書。令率本軍獨當一面。壁于澗水。裴度宣慰蔡。還。獨稱其勇而知義。必能立功。明年五月。大戰。時曲賊初壓其營。而卽衆不得出。乃自毀左右柵。將數騎突入賊中。往來數四。賊識之。衆矢蝟集。其子攬轡諫止。揮刃叱之。士爭奮躍。賊大潰。死者數千人。時環蔡兵鎮十餘。相顧不肯前。光顏獨先敗賊。捷至。上下稱賀。都統韓弘令諸軍齊攻城。賊忽先薄。烏重胤壘。重胤中數槍。馳光顏求救。計度賊已出小澗。必虛。亟遣大將田頔。尖朝隱。襲之。果平其柵。弘以爲違令。命光顏收頔。

及勅憲將戮之舉軍皆惜二人材勇光顏畏弘不敢言中使景忠信矯詔令所在械繫走馬入見具問本末憲宗赦矯詔罪卽令往釋二將弘與光顏迭表諭奏詔諭類等違令當死但以襲城有功可贖軍有三令五申宜暫捨以責來效弘不悅因與有隙十一年又屢困賊遂拔凌雲柵上大悅賜告捷奴銀綵進位檢校左僕射會郾城守將鄧懷金以光顏兵圍青陵斬將吏歸路謀于郾令董昌齡曰城中父母妻子皆質於蔡有如一戰而降則家屬盡屠乃請光顏來攻我舉烽求救伺蔡兵至逆擊必敗此時當以城降光顏從之十二年四月大敗賊衆於郾城死者三萬其將張伯良奔歸蔡於是昌齡執僞印帥吏列于城外懷金與諸將素服倒戈列于城內開門以待其城自壞者五十餘步光顏入弘惡之陰圖撓屈計無所施乃求大梁蒞婦遺之

以盡其心光顏開宴集三軍卽於座上酬來使曰爲謝今公光
顏事君許國之心死無貳矣今戰卒數萬皆背妻子蹈白刃獨
奈何以女色爲樂言訖涕啣衆心益勵裴度築赫連城於方城
池口傘騎往觀光顏策賊必至亟使田布伏二百騎於五溝中
賊果大至注奪挺刀勢將及度賴以決戰於前度方獲免布先
扼其歸路賊多棄騎越溝相牽而墜壓死者千餘人賊知光顏
勇冠諸將乃盡悉精銳以當其師李愬由是乘其無備得入蔡
州董重質棄洄曲軍入城投降光顏躍馬入營盡得其衆萬餘
賊平加檢校司空入朝對于麟德殿賜金帶錦綵宴饋加等討
李師道復徙鎮義成軍許以忠武兵自隨不三旬再敗賊軍於
濇陽拔斗門斬數千級上言許鄭兵不可用復鎮忠武十四年
因夏州田緝貪餒啓衆党項引吐蕃圍涇州詔移鎮邠寧時敵

毀鹽州城復令築之仍以陳許六千人從始料兵赴敵邪師恟
恟咸不肯行曲爲陳說大張言發涕泣三軍感泣乃始卽路擊
賊退之穆宗卽位就加特進與一子四品正官諱詔赴闕賜開
化里第進同中書門下平章事復遷鎮長慶初轉鳳翔節度使
將討鎮冀以得陳許士心仍領忠武兼深冀行營諸軍節度使
赴日宰相百寮班饒帝御過化門臨送賜錦綵銀器良馬玉帶
光顏以懸軍深入饋運不繼且滄景德棣等州賊方連結未可
卒平恐一差跌前功悉棄乃稱病懇辭兼鎮果以無功赦廷湊
等復遷治所敬宗時正拜司徒於正衙受冊李弼叛復詔總師
卽討弼于尉氏弼誅遷太原尹開府儀同三司兼侍中卒年六
十六廢朝三日贈太尉蓋曰忠

烏重胤字保君父承玘別傳重胤少起行伍爲潞州牙將兼左

司馬善撫士卒與最下同甘苦吐突承璀討王承宗盧從史逗
留不前命縛之密告重胤以詔命嚴敕潞軍無敢動者憲宗嘉
其功擢懷州刺史充河陽三城節度使封張掖郡公招致名賢
石洪居幕府李珣在麾下會計淮蔡割汝州隸其軍表珣行營
都將卽引兵歷賊境與李光顏相拮角凡三年大小百餘戰賊
平加檢校右僕射遷檢校司空封邢國公元和十三年徙橫海
軍至卽舉所管德棣景三州各還名分歸其職業應在州兵並
令刺史收管又請廢景州復弓高縣改歸化縣仍屬德州詔並
從之及討王廷湊詔出兵屯深州自度朝廷號令乖迕制置失
宜未可以歲月破賊久未敢進穆宗責其觀望詔杜叔良代之
罷爲太子太保長慶未加檢校司徒同中書門下平章事充山
南西道節度使召至京師復改天平軍文宗初真拜司徒帝患

李同捷狂狡請襲父位不許恐其拒命思以重臣鎮之乃加重
亂太子太師充海節度使兼領滄景仍割齊州隸之制出旬日
卒年六十七贈大尉諡懿穆生平赤心事上率先奉法所至立
功未嘗矜伐善待僚屬思禮周至所降蔡將李端其妻被殺
猶呼其夫善事烏僕射其得人心如此既歿軍士懷之至有封
股以祭者子漢弘嗣母喪固辭起復帝嘉嘆服闋授左領軍
衛將軍 洪字濟川其先姓烏石蘭後省姓石爲人有至行舉
明經調黃州錄事參軍罷歸東都隱居不出公卿數薦不赴感
重亂知己欣然戒行授昭應尉終集賢校理 琪山東甲姓世
習儒獨琪尚材武以弓馬爲務長六尺餘氣貌魁岸善使酒爲
澤路王虔休鎮將重亂愛其才終右武衛上將軍

王沛許州許昌人少勇決爲上官況所器妻之以女署牙門將

沈卒他壻田俾脅沈子襲領其軍患監軍范日用不從謀害之
沛竊知其謀密以告因盡禽其黨事聞德宗嘉美卽拜陳許司
馬代者劉昌裔奏爲監察御史遣護沈喪還京帝召見歎息曰
卿忠義龍宜加等再授開府儀同三司兼御史中丞司馬仍舊
李光顏討蔡奇沛風舉署行營兵馬使別統勁兵屯于近郊有
詔趣進軍諸將觀望沛輒引兵五千夜濟合流口扼賊衝塹壘
屯住自是河陽宣武太原魏博等軍繼渡圍鄆城降鄆懷金蔡
平加兼御史大夫復從光顏定淄青詔分許兵往戍邠寧沛又
爲都將同救鹽州敗吐蕃以功擢寧州刺史徙陳州充忠武節
度副使率師討李齊加檢校右散騎常侍轉充海沂密節度觀
察等使時府新建俗獷難治沛明示法令蒐闕及時軍政大
治改檢校工部尚書終忠武節度使贈右僕射子逢少沉勇從

父征伐有功署忠武都知兵馬使太和中入爲諸衛將軍從劉
沔石雄破回鶻於天德性果決用法嚴士未經戰伐輒不與常
賜後從王宰討劉稹爲太原道行營將領陳許兵七千屯翼城
稹平加檢校右散騎常侍父子同至忠武節度使卒

高霞寓范陽人其先五代不異居祖仙父栖鶴皆以孝聞德宗
旌表其門霞寓狡譎多變通春秋及孫吳兵法頗以感慨自尚
往見長武城使高崇文異其才檄任軍職元和初兼御史大夫
從討劉闡下鹿頭城降李文悅仇良輔等追戰七盤城有功賊
平拜彭州刺史俄代崇文爲長武城使封感義郡王五年以左
威衛將軍隨吐突承璀討王承宗獨破賊有功詔藏所獲鎧仗
於神策庫以旌之拜豐州刺史三受降城都團練防禦等使討
吳元濟析山南東道爲兩鎮拜唐鄧隨節度使退賊南衝名雖

宿將徒勇悍寡謀畧統制尤非所善始引兵趨蕭陂戰小勝進至文城柵爲伏兵所掩遂大敗僅以身免詔貶歸州刺史乃厚賂權宦名爲右衛大將軍轉振武軍節度使沒金河漑南地數千頃會吐蕃攻鹽豐二州引兵五千屯拂雲堆蕃引去加檢校司徒節度邠寧疽發卒于道贈太保

盧從史其先自元魏以來冠冕盛族後徙籍不常父虔好學由進士歷御史秘書監從史少好騎射遊澤潞間節度使李長榮畧爲督將以姦獍得衆心又善逢迎中貴長榮卒得授昭義節度使在鎮滛縱不道而能辯給粉澤其非府屬孔戡等累諫不從皆引去元和中父喪去官陰伺帝旨卽獻計請討王承宗遂奪服領澤潞勒兵逗留陰與敵交得其密號授軍中故高芻粟價直以要度支利歸于已上書求兼宰相反誣諸軍與賊通兵

未可進憲宗患之用宰相斐琦謀令吐突承璀幽之會從史與承璀對壘時過飲博因多出寶帶奇玩夸詡卽以遺之自此益狎不疑承璀伏壯士幕下伺其來與語縛內車中從者驚噪斬數十人諭以密詔賴大將烏重胤部勒其衆乘夜疾驅有詔宣慰軍士暴從史罪惡貶驩州司馬賜死子繼宗等並徙嶺南

高瑀冀州蓆人少沉遠方雅喜言兵授累右金吾衛曹參軍遷陳蔡二州刺史入爲太僕卿故事相沿擇帥悉出中人所輸貨鉅萬多假貸至則椎膏斲血倍以酬息十常六七太和初王沛卒文宗新政宰相裴度韋處厚獨推瑀有治狀且習軍中情僞欲任之會有表至亦句瑀卽授檢校左散騎常侍忠武軍節度使自是債帥頽風遂革州比水旱爲相地築隄庸百八十里時其鍾洩民賴不饑就加檢校工部尚書至右僕射徐州專殺

李聽柳公綽病亟語不及他名故吏白宰相非高瑀不能定乃改鎮武寧軍人心寧謚徵爲刑部尚書辭疾拜太子少傅分司東都不閱月仍復忠武卒于鎮贈司空爲人性寬和有體量居官無赫然譽所至稱治士人懷之

劉沔字子汪彭城人父廷珍蒞羽林軍以扈德宗奉天戰功官左驍衛大將軍封東陽郡王沔少孤客振武事范希朝畧牙將爲所器重謂沔後日必處吾坐後入爲神策將從李光顏討蔡爲前鋒破駝軍得其力隨入朝因留宿衛歷鹽州刺史天聽軍防禦使在西北累立奇功太和末遷大將軍擢涇原節度使屢誅河西党項叛羌加檢校右散騎常侍單于大都護振武軍節度使開成三年突厥劫營田沔發吐渾契苾沙陀部萬人擊之一轡無返悉頒鹵獲馬羊于戰卒築都護府西北四壘進檢

校戶部尚書會昌初回鶻部饒烏介可汗奉太和公主至漠南
求食過把頭鋒寇天德詔以兵據雲伽一圖遂引去二年又掠太
原振武武宗使兵部郎中李拭調兵食田視諸將能否拭獨稱
汚遣檢校左僕射河東節度使與幽州張仲武協力招撫回鶻
進屯屬門剛敵寇雲州汚擊之斬七裨將迎還公主殘衆北走
詔追之以功加檢校司空金紫光祿大夫賜一子官御書李靖
平頡利事以賜軍還次代州有歸義軍降口三千使謀食諸道
不聽據泮沱河叛悉禽誅之又詔南討劉稹屯榆社素與仲武
不協時方追幽州兵故徙義成李德裕因王宰逗留表沔鎮河
陽以滑兵三千壁萬善居宰肘腋下激之稹平進檢校司徒忠
武節度使有病不任請拜改太子少保加太子太傅致仕卒年
六十五贈司徒生平遇血戰幾死者數四嘗傷重卧草中月黑

不知歸路。夢人授之雙燭。曰：此行無患。子方大貴。可持此還。自此遇危難及破敵。炯然有雙光在前。罷鎮後。光息乃終。

石雄徐州人。少出寒微。爲牙校。取毅善戰氣。蓋軍中。王智興討李同捷。收棣州。以爲右廂捉生兵馬使。先驅渡河。鼓行無前。復善撫士。徐人服之。而惡智興苛酷謀逆。之以立雄。智興懼。變表。雄有功。得外補。詔授壁州刺史。旣去。智興盡殺雄所善百餘人。誣以播亂軍情。請置于法。文宗素知其能不殺。流于白州。尋徙陳州。長史党項擾河西。名隸劉沔軍。爲偏裨。破羗。有勞。以智興故。久不擢。至武宗時。始授天德防禦副使。兼朔州刺史。佐劉沔屯雲州。沔名與謀。曰：羗部落離散。分當掃除久矣。朝廷以公主故。不欲亟攻。今若徑趨其牙。彼不及備。必棄公主走。我當迎主歸。有如不捷。吾等死之。雄曰：諾。卽選沙陀李國昌及契苾拓拔。

狐鹵三千騎夜發馬邑。且入振武城。登陴望鹵營。不遠。見騎車
十餘乘。從者咸衣朱碧。譯者曰。此公主帳也。雄潛使喻之曰。天
子有詔。令迎公主。兵合第無恐動。乃穴城夜出。縱牛馬鼓譟。直
搗烏介帳。可汗大駭。單騎遁走。追至殺狐山。斬首萬級。獲馬牛
羊不貲。遂迎公主而還。以功加檢校左散騎常侍。豐州刺史兼
御史大夫。天德軍防禦使。會討劉稹。李彥佐逗留不進。遠爲晉
絳行營諸軍副使。以助之時。王宰屯萬善。劉沔屯石會關。亦顧
望莫先。雄受命卽勒兵。越烏嶺。破賊五壁。斬獲千計。賊大震。捷
聞。武宗大喜。以今將帥罕雄比者。就加檢校左僕射。河中尹。晉
絳行營節度使。以代彥佐。稹勢危蹙。其大將郭誼密獻款。請斬
稹。首自歸。衆疑其詐。雄自言曰。稹以誼爲謀主。今天奪其魄。謀
由本心。又何疑焉。乃令以兵薄潞。受誼降。兵始入。大掠。誼移書

責之既而誼黨盡擒賊遂平帝以始末有功加檢校司空詔書褒美徙河陽三城節度使宣宗立又轉鳳翔素爲李德裕識拔智與子宰有隙數欲沮陷會德裕罷白敏中謂黑山天井功所酬已厭乃代歸拜神武統軍失勢怏怏而卒爲人沈勇好義臨財廉每破賊立功朝廷特有賜輿輒置軍門自取一縑餘悉分士伍以是衆感發無不爭奮平潞時見一白鷺在水語衆曰使吾射中其目當成功已而果然

曹華宋州楚丘人始從董晉宣武軍縛李迺送闕署爲牙將會吳少誠叛推華驍果有智算選守襄城修埤浚隄屢敗凶醜憲宗召見特賜旗甲繒錦拜檢校右散騎常侍寧州刺史未行元濟復叛河陽烏重胤奏爲懷汝節度行營副使前後數十戰大敗青陵城拔凌雲柵賊平封陳留郡王授棣州刺史隸鄰於鄆

屢爲李師道僞遣招募。率盜補以軍卒。分據要路。賊至皆擊敗之。郛人不敢北顧。時以王逵被害。命代爲沂。兗。海。觀察使。至鎮三日。開宴。羣校畢集。喻以上旨。憫諸將士分割。有轉徙勞。特恩頒賜。須合區分。凡郛卒處右州兵處左。分別已定。閤門令州兵出外。獨留郛卒。詰其前害主帥。預伏甲士。令出環之。凡斬一千二百人。血流成渠。門屏之間。有赤霧氛起。高丈餘。良久方散。自是海沂之人。重足股慄。無敢爲盜者。又惡沂地褊。許移理所於兗。下令鄒魯舊禮義鄉。不可無教。自李正己以來。垂五十年。民俗頑。及是躬禮儒士。習俎豆之容。春秋釋奠。孔廟立學。講經備冠四集。出家財贖給。俾成名人仕往者如歸。復表請率軍討害田弘正罪。加檢校工部尚書。昇兗。海。爲武寧節度。授之節鉞。李亦叛。不俟命赴討。齊方遣兵三千取宋州。迎擊敗之。由是宋

引簡錄 卷四十四 三
毫不敢從亂事平論功進檢校右僕射河朔復拒命移爲滑州
刺史義成軍節度使卒於鎮年六十九贈司空生平雖出戎行
動必由禮尤重士大夫未嘗以富貴驕人下追僕隸走使之徒
必待之以誠信人以爲難

郝玘者涇原戍將貞元中移臨涇鎮將爲人勇敢在行間前無
堅敵兼有謀畧以臨涇地居險要正當敵衝其川原饒衍利畜
牧迤西數百里皆流沙無水草請於節度使馬璘願城之以爲
休養便地會有說璘以公方蒙恩大幸正爲邊防未固上心日
夜念此故厚於公今如玘言邊陲已安無所用公璘遂不聽乃
說後帥段佐曰天寶時天下以兵爲防獨西戎耳自祿山反西
陲盡亡寰內爲邊每敵入寇驅父子掠馬牛焚積聚殘室廬迨
人耗盡今若築臨涇以析敵勢甚爲利便佐乃請于憲宗得命

元和三年城完賜名行原州以玘爲刺史戍之自是賊不敢過
臨渾在邊三年每討伐不持糗糧取之於敵獲俘取尸剝剔而
歸西人大畏呼其名以怖啼兒還檢校左散騎常侍兼御史大
夫充涇原行營節度平涼鎮遏都知兵馬使封保定郡王贊普
常歸金像等其身令曰生得玘者賞之朝廷畏失驍將徙爲慶
州刺史辛佐亦勇敢知名本郭子儀牙將征伐有功在涇原
練卒保邊敵畏懼之終右神策大將軍檢校工部尚書卒

史敬奉靈武人少從朔方軍爲牙將形甚短小類不勝衣至於
野外馳逐能及奔馬自執鞞勒隨躍而上然後鴈帶矛矢在手
前無強敵以甥姪僮僕二百人爲部曲每出緣分爲四五隊隨
逐水草數日各不相知已而相遇各皆有獲元和十四年吐蕃
犯塞請於節度使杜叔良子兵二千齎一月糧深入邊地行十

餘日不聞音耗皆謂已歿敬奉乃由間道繞出敵後出其不意
部落驚潰因大破之殺戮不可勝計驅其餘衆於瓠蘆河獲馬
牛雜畜萬餘賜賞封五十戶與郝玘并鳳翔將野詩良輔皆以
名雄選良輔後移隴州刺史吐蕃疑朝廷不與約和問故答曰
以任良輔隴州其畏憚如此然亦竟不能北踰白道西出齋關
以振十九郡生民君子惜之

弘簡錄卷之四十五

明刑部員外郎仁和弘齋邵經邦學

皇清翰林院侍講學士四世孫遠平校閱

庶官 唐六之六 武職

王處存

弟處直從子

王重榮

子珂見重

時溥

周寶

趙擊

弟和子

劉巨容

馮行襲

張雄

馮弘

朱瑄

諸葛爽

李罕之

子

張全義

孟方立

孫儒

趙匡凝

父德諱

成汭

杜洪

盧光稠

譚金播

雷滿

閔項郭處訥

鍾傅

危全

劉漢宏

王敬武

子師

王處存與弟處直字允明京兆萬年人世爲神策軍使父宗幹

殖財富擬王侯累除司空金吾大將軍領興元節度使處存初

任驍衛將軍定州制置內閒廡宮苑等使乾符六年檢校刑部

尚書拜義武軍節度使。倡議討黃巢，率鎮兵入闕，衛乘輿。外約王重榮、李克用，共平京師。詔處存樞尚書右僕射。東南面行營招討使，督諸鎮兵。京師平，王鐸第爲倡，義勤王功居第一。拜檢校司空，巢走泰山，復出兵，大將張公慶滅之。進司徒、同平章事。田令孜討王重榮，徙鎮河中，行次晉州，重榮拒命，頗處存臨事，道便有大將風，幽鎮兵悍，馬強，又介易定，侵軼歲至。善脩郡好，恩撫小民，折節下賢，協穆太原，以自助。諸鎮無能軋者，累加侍中，兼太尉。卒年六十五，贈太師，諡忠肅。子郃，以故事出副使，軍中推爲留後，拜節度使，加司空、同平章事。處直爲後院中軍都知兵馬使。光化三年，梁兵攻定州，郃遣處直率兵距之，戰于沙河，大敗俄而，外郃陷，敗兵反入城，逐郃出，奔太原，推處直爲留後，梁責其事，晉遣兵圍之，處直告梁，請絕晉而事梁，許之，納。

從孫爲質卽出騎師牛酒獻絹三十萬復與梁盟朱溫表處直
本軍節度檢校左僕射封太原郡王梁禪位進北平王已而梁
兵攻王鎔鎔求救于晉晉兵救鎔處直復遣人至晉願絕梁以
自效引兵五千從破梁軍于柏鄉其後晉北破燕南取魏博與
梁戰河上十餘年未嘗不從處直性好巫祝有妖人李應之初
因疾病以左道治之而愈信以爲神使衣道士服爲行軍司馬
政無大小咸取決焉時處直未有子應之於陞邑闕得小兒劉
雲卽養以爲子卽以與之給以生而有異更名曰都愛之踰已
出應之由此益橫籍管內丁壯別立新軍自將之治第博陵坊
四面開門皆用左道將吏知必爲患而莫能諫值幽州李匡儻
假道如京師處直伏甲城外以備不虞匡儻去甲士入城圍應
之第執而殺之復請殺都處直不與都旣壯狡伎多謀以爲節

度副使會莊宗討張文禮處直恐請于莊宗願毋發兵不聽先是孽子郁常恐不容與都同奔晉晉以女妻之使爲新州防禦使至是許名爲嗣令北指契丹入塞以牽制唐兵郁自奔晉常恐失父心得使大喜乃奉款表舉室降于契丹阿保機納其厚賂以爲養子遂舉國入寇小吏和昭訓因勸都執處直囚之自爲留後凡王氏子孫及將校殺戮殆盡明年正月都拜謁處直奮起捫胸而呼曰逆賊吾何負爾以左右無兵欲留其鼻都掣袖而走遂及於弑莊宗敗契丹于沙河追奔過定州與都相得惟甚立爲節度使且娶其女妻子繼岌同光二年幸鄴都來朝賜與鉅萬請無不從明宗惡都爲人安重誨每繼以法都始有異志時唐兵與契丹戰往來定州供饋多闕益不自安和昭訓復勸都乘天子新立四方未附可爲自安之計都遂遣人以

蠟書招青徐岐潞梓五鎮約同舉兵咸不應明宗遣王晏球討之却復與王郁招契丹爲援契丹遣秃餒救都都遣指揮鄭季麟鎮將杜弘壽迎契丹爲晏球所敗執殺之契丹與晏球戰又大敗都及秃餒得數騎逃閉城不敢出城中兵少惟聃梁丹呼秃餒爲餒王屈身事之諸將有欲降者都伺察嚴密殺戮無虛日以故堅守經年天成四年二月城破都與家屬皆自焚死都後從契丹阿古只畧地燕趙攻下磁寨務又從遼祖平渤海有功任同政事門下平章事從義軍節度使尋加政事令卒處存少子郭生延亂與莊宗遇姻爲人驍勇自爲軍校能與士卒同辛苦明宗時歷貝柝密瀆臨五州刺史以佐楊光遠破范廷光有功拜彰德軍節度使而處直幼子威亦走契丹契丹欲使威襲其先人爵土晉高祖聞之乃徙廷亂於義武又徙鎮海而卒

王重榮太原祁人與兄重盈皆殺武元軍父縱從石碓破回鶻有功終鹽州刺史重榮蔭爲列校擢河中牙將稍遷右署素多權詭爲衆所憚節度使李都表爲行軍司馬黃巢分兵畧蒲外援不至都不能支詭謀紆難僞降之以地邇長安調取橫發吏不堪命且收其兵重榮說都請絕橋嬰城自守不然變生何以制之都自諉兵寡謀弱絕之禍且至願以節假重榮遂奔行在僖宗代以前京兆竇滯聞道怒其軍滿至畏其猛厲復奔還重榮自土留務與朱溫黃鄴合戰感勵士衆大敗之賊衆糧仗走以功拜檢校工部尚書河中節度兼東南招討使連忠武監軍楊復光擊華州李詳執之斬以徇巢又使尚讓來攻與溫將勳兵居前遂敗重榮溫出夏陽掠河中漕艘重榮仍選兵三萬復攻溫溫懼鑿舟沉之舉所蒞同州以降復光欲斬溫重榮惜其

武勇特貸死表為同華節度使。詔卽副河中行營。格討巢表二州。怒甚。自將精兵數萬。壁梁田。重榮軍華陰。復光軍渭北。倚角攻巢。巢敗。中流矢走執其將趙璋。然兵益耗。損懼。巢復振。與復光計。以上意。召李克用。約與連和。克用率師赴之。遂平巢。復京師。論功加檢校太尉。同平章事。封琅邪郡王。進太傅。所據鹽池之饒。神策軍使田令孜奏巨盜甫定。國用大乏。諸軍無所仰。請歸鹽鐵以佐大費。諭旨重榮不聽。以故事。歲輸鹽三千乘于官。所餘悉贖本軍。朝命徙重榮。充流節度。代以王處存。重榮奏列。令孜離間方鎮。不受代。再命朱玫。進討壁于沙苑。而令克用將兵送處存之。錢重榮偽為密詔云。須克用到。卽偕玫反。圖此令孜全忠惑。上邪謀。克用與全忠素隙。信之。反合重榮兵戰沙苑。致大敗。乘勝而西。上奔鳳翔。嗣襄王煚偽詔至河中。重榮不受。

與克用謀定王室楊復恭代令致遣諫議劉崇望齊詒諭意兩
人聽命獻縑十萬願討攻自贖重榮遂斬熅長安復平然以性
悍酷多殺戮少縱舍都將常行儒怨之夜引兵攻殺重榮時光
啓三年也無子以兄重簡子珂爲後軍中推立重盈入殺行儒
一軍復安重盈由河中騎將歷邠州刺史陝虢觀察使至是留
長子珙領陝州節度次子瑤絳州刺史遷重盈檢校右僕射同
平章事昭宗立進太傅兼中書令王岡如故乾寧二年重盈死
軍中推重榮繼子珂爲留後珙與瑤上言珂不應立請選大臣
鎮河中朝議代以崔胤珂急請婚克用言上許以爲嗣珙復備
行瑜茂貞以珂與晉親將爲不利二人共約韓建薦珙詔以重
榮有大功不可廢其後行瑜怒使弟行約助珙攻珂晉復遣李
嗣昭來援敗珙於猗氏三鎮連兵犯京師克用聞之亟引兵致

討拔絳州斬瑤兵屯渭北帝奔石門克用遣使者馳問帝因詰
珂以兵趨新平加檢校司空帝爲劉季述所廢珂憤見言色屢
陳諫賊反正後首獻方物帝甚倚之常與太原鎮定蒲加陽行
密都統以討全忠全忠怨珂畏克用方彊不敢加兵及克用兵
折引兵數萬遣張存敬襲絳珂使妻遺晉書言事急矣朝夕見
俘乞食大梁克用答以道且斷往救無益不如歸朝珂窮遣使
轉告茂貞請與建出精銳固潼關以張兵勢悲我西偏地爲捍
守茂貞自有蒲中使至不答珂益感全忠先以母王氏故自同
州降卽依重榮爲舅珂乃奉節印納存敬軍遣兄璘與將樊洪
見存敬曰吾於梁王骨肉雅舊君當退舍俟梁王來吾卽聽命
存敬解圍使人馳詣全忠全忠至河中先詣城東哭於重榮之
墓辭其面縛牽羊之禮嗾啼握手徙之汴州然終忌克用晉崇

其貳已伺珂西入魏行至華州使人殺之珙爲人慘虐任威權
府遭害甚衆人有過輒剝斷以逞故常州刺史王祝避難江湖
帝聞其剛鯁召爲給事中道出陝珙厚禮之祝卻其貳暴不降
意珙怒遣吏就道殺之投家口於河以溺死聞帝不能語後亦
爲部將李璠所殺贈太師溫乃自領河中以重盈諸子肅爲忠
武節度使瓚爲吏募後授諸衛大將軍秦寧鎮兩軍節度使
末帝時轉開封尹貞明五年代賀瓌爲北面行營招討使無功
復爲府尹莊宗兵至驪市人登城拒守唐兵攻封丘門瓚開門
迎降伏地請死莊宗勞之曰朕與卿家世姻投尹如故俄遷宣
武軍節度使明年入以憂卒贈太子太師

時溥徐州彭城人爲州牙將節度使支詳遣與陳璠率兵五千
西討黃巢次河陰軍亂剽居人溥招戢其衆引還懼罪不敢歸

屯于境上詳稿以牛酒約賈其罪乃入反共迷詳推溥爲留後溥厚具貲裝遣潘諤還京師潘擬殺詳七坦亭屠其家署潘宿州刺史俄怒殺之僖宗命溥爲武寧軍節度使地介黃巢與秦宗權悉師討之軍鋒甚盛連戰輒克授東而兵馬都統合許堯鄆兵逐尚讓於太康斬首數萬級降萬餘人尾巢至萊蕪遣將李師悅等大破之獲巢首以獻推功第一加檢校司徒同平章事進太尉兼中書令爵鉅鹿郡王宗權阻兵又拜蔡州行營兵馬都統與朱全忠爭功朝議以全忠領淮南節度溥恨恨不得全忠使司馬李璠鄆言等兵過宿州遣書假道溥辭不可思問其敗以兵襲之言戰甚力因解還全忠怨怒自是連畧徐泗師不弛甲溥乞師於晉大順元年克用爲攻碭山朱友裕救之各亡其大將明年丁會築堤閼汴水灌宿鄆三月拔之使劉瓚守

而溥將劉知俊引兵二千降全忠溥益不振民失田作又大木
薦餓死喪十七乃請和於汴全忠約遷鎮罷兵昭宗代以宰相
劉崇望授溥太子太師溥慮去徐禍必及諭軍中固留而泗州
刺史張諫送款全忠納其質子表刺鄆州詔復聽留諫畏兩怨
奔楊行密轉刺楚州并徙其民以兵屯泗友裕率兵攻溥嬰城
不出是求救朱璠溥將徐汝出降全忠自引兵屯曹州將去留
精騎以付霍存日事急可倍道趨之璠將兵二萬來救與溥合
攻友裕存引兵疾戰璠溥還壁明日復戰存遂敗死進逼友裕
堅營不出璠食盡還充全忠使龐師古代友裕溥分兵固保石
佛山師古代攻拔之自是完璠不戰王重師牛存節等梟其堞以
入溥徙金玉與妻子登燕子樓自焚死全忠遂有其地是時景
福二年也

周寶字上珪平州盧龍人曾祖待選魯城令率縣人拒安祿山而死祖光濟爲侯希逸牙將歷左贊善大夫從李洧歸朝父懷義通書記擢累檢校工部尚書天德西城防禦使以徙城事忤宰相李吉甫意憂死寶蔭將千牛備身爲股侑天平部將會昌中選入宿衛隸右神策軍補軍將歷良原鎮使素彊毅未嘗出意於人以善擊毬武宗亟稱其能擢金吾將軍因喪一目進檢校工部尚書涇原節度使務耕聚糧時號良將黃巢據宜歙徙寶鎮海軍兼南面招討使僖宗入蜀加檢校司空時羣盜所在盤結柳超據常熟王敖據崑山王騰據華亭宋可復據無錫寶練卒自守發杭州兵戍縣鎮分八都董昌主石鏡都陳晟主清平都吳文舉主於潛都徐及主鹽官都杜稜主新野都俊京主唐山都文禹主富春都凌文舉主龍泉都中和二年進同平章

事兼租庸副使封汝南郡王生平和裕喜接士將赴難京師益募兵號後樓都統以子璵屏不能馭部伍橫肆寶亦戒聲色不郵事以圻楊茂實爲蘇州刺史務重斂人不聊生田令孜代以趙載茂實不受命載殘邪署汚垣墉而去詔以王蘊代載光啓初劇賊剽崑山寶遣鎮海將張郁戍海上郁叛蘊不設備大肆焚掠寶遣將拓拔從討定之郁保常熟因攻常州刺史劉革迎降寶遣將丁從實督兵往攻郁走海陵依鎮邊使高勗從實遂據常州田令孜敗載并黨與尚留潤州右散騎常侍沈誥使江南收而殺之高駢領鹽鐵辟寶子佶爲支使寶亦表駢從子在幕府駢初以兄事寶後寔爲都統不爲禮寶銜之駢因蜀遠自絕貢賦誣以道浙西爲寶剝阻由是顯隙及出屯東塘約以兵定京師寶喜將赴之駢遣人請會金山謀執寶併吞其地方與

詬絕會部將劉浩刁頽與度支催勸使薛朗叛火照城中寶
後樓都無一人至者乃出奔常州依從寶劉浩奉朗領府事錢
鏐遣杜稜成及攻朗稜子建徽攻從寶奔于海陵鏐具礮鞞迎
寶舍樟亭未幾殺之年七十四贈太保鏐以稜守常州文德元
年拔潤州使阮結守之浩亡不知所在執朗剖其心祭鏐行密
殺霸郁與從寶皆死陳晟後據睦州逐刺史韋諸晟死弟詢代
立畏鏐忌已因徐綰亂與田頽通鏐剖桐廬隸杭州復攻蘭溪
使方永珍擊詢行密遣闕匪陶雅救之執鏐弟益大將王求頽
全武等未幾鏐將楊習攻婺州詢奔楊渥守以金師會鏐復破
衢師會走鏐取其地

趙華青州人世爲陳州牙將資性警健兒時部分行伍爲戲卽
指顧如將帥及壯喜善善弓劍勇果重氣會昌中以伐潞州收

天井關又從征蠻有功累遷馬步軍都虞候擊敗王仙芝不敢
近東都已而黃巢大起陳州豪傑思欲自保求表筆爲陳州刺
史值長安陷筆度賊勢不久必敗敗卽驅衆東走吾州適當其
衝亟治城池繕守備遷民入城選其勇敢配以兵甲弟昶素相
友愛及是用以爲將巢果東走遣孟楷據項城圍昶夜取師疲
而寢若有神相之者黎明決戰士爭死奮遂禽楷斬級千餘俘
宗遷檢校司空以賞筆旣而秦宗樞附賊巢勢愈盛悉其衆圍
陳置春磨寨衆人爲食民大恐筆屬其下吾家三世陳將誓必
保此城爾曹男子當于死中求生建功立業多或因此陳人踴
躍聽命巢驍兵二十萬柵城北爲入仙營象宮闕聚糧餉必欲
困而屠之筆大小數百戰守凡三百日食將盡乞兵梁晉皆自
將會陳州人益奮筆急擊破賊圍始解去朱全忠入陳兄弟迎

謁甚恭知其必成大事降心屈迹爲自託之計因立生祠朝夕
拜謁次子巖妻其女是謂長樂公主中和五年掘彭義軍節度
使時宗權連陷二十餘州陳最近以犂力能相拒卒不爲下陷
宗建陳州爲忠武軍拜平章事兼節度使進檢校司徒併領蔡
寧浙西兩節時已病授昶留後乃卒 昶字大東神采軒異內
沈厚有法度乘大寇新滅休兵課農流亡並還事梁謹凡攻戰
四方饋輓供億未嘗少懈昭宗授節度使累加檢校右僕射同
平章事時稱忠壯吏卒與兄皆贈太尉 樂子珩字有節雄毅
喜書善騎射以先冢過賊畏見殘北激厲麾下約以死拒庫有
巨弩壞不能張以意調治激矢至五百步人馬皆洞以是賊不
敢逼初爲行軍司馬由留後爲節度使加檢校右僕射兼侍中
平章事封天水郡公陳土疏惡善圯珩憂表壙遂以無患又

求得鄧艾故跡。決翟王陂。溉民田。居陳二十餘年。人大賴之。梁後取同華。徙瑒同州。留後昭宗。賜號迎鑾功臣。入朝。進檢校太傅。右金吾衛上將軍。卒。贈侍中。陳爲罷市。璩入梁爲駙馬都尉。末帝時任戶部尚書。租庸使。親信之。謀遣人名楊師厚兵與袁象先謀誅友珪。取傳國寶有功。在位侈於自奉。占天下良田大宅。哀刻商旅。其門如市。租庸之賦。半入私門。一飲食必費萬錢。與判官邵瓚議分相魏爲兩鎮。卒以名亂。盡失河北。梁兵數敗。璩又勸帝議行郊祀。謂陛下卽位猶未郊。天朝廷無異藩鎮。敬翔以今府庫虛耗。箕歛供軍。若郊禋賞賽。是取虛名而受實弊。帝不聽。備法駕幸西京。適莊宗取楊劉京師。大風拔木上下。危懼。帝乃還東都。禮卒不行。張文禮願以鎮兵萬人出德棣。愆晉兵敬翔謂可。嚴與淡傑止之。後烈王彥章任段凝。皆慶所爲。

唐兵將至帝惶惑不知所爲登建國樓問羣臣勅以宜幸洛陽
保險以名天下兵而徐圖之勝負猶未可知帝猶豫巖口勢已
如此一下此樓何人可保帝卒死樓上巖以許州溫韜山事已
乃走投韜韜斬首以獻莊宗族滅之

劉巨容徐州人初任州將明於吏治龐助反因拔歸授埭橋鎮
遣使以筒箭射殺王郢有功拜明州刺史徙楚州團練使討黃
巢授斬黃指討副使轉襄州行軍司馬檢校右散騎常侍俄遷
山南東道節度使與江西招討曹全最守荆門關縱沙陀五百
騎望賊陣而馳賊得之明日乘以戰馬識沙陀語呼數奔還伏
兵隨之執巢魁十三輩賊遂大敗轉關一舍鹵獲不可計得十
之八以功遷檢校禮部尚書巢浮江東奔諸將欲乘勝追斬巨
容心懷顧望止曰朝廷多負人有難不惜官賞事平卽忘之不

如留賊以爲後資。故諸將不追。巢勢復熾。至陷兩京。禍原于此。
尋殺巨谷南而行營。招討兼天下兵馬。先鋒開道。供軍糧料等。
使檢校司空封彭城縣侯。獲揚州人申屠生。先爲高駢之客。能
化黃金。遂留不遣。大有所獲。道田令孜弟道襲州巨容山金奪
之久。之秦宗權遣趙德諱合山南西道鹿晏弘攻襄州。巨容不
能守。奔成都。令孜欲傳其術。匿而不與。恨之。龍紀元年。遂爲所
殺。生亦并死。宗族殄滅。

馮行襲均州武當人。素以謀勇稱。中和初。鄉豪孫喜聚衆數千。
謀攻城行襲。伏士江隩。以單舟迎喜。曰。州人思得將軍久矣。願
將軍兵多。必行剽掠。若留衆江北。以輕騎進我。爲鄉導。卽城可
下也。喜信之。旣渡江。羣吏出迎。伏甲斬之。衆潰。行襲乘勝逐刺。
史呂暉據均州平長山。劇盜武定節度楊守忠表爲行軍司馬。

使領兵搃谷口以遊秦蜀鳳翔李茂貞養子繼瑛據金州復攻
拔之昭宗卽授金州防禦使又破復光黨楊守亮就擢戎昭軍
節度使附朱全忠天祐二年王建遣將王思綰攻金州兵敗州
將金行全出降行裝乃奔還均議徙戎昭軍於均州以金房爲
隸全忠以行裝不足禦王建且金人不樂乃命馮恭頌屯龍防
禦使而廢戎昭軍

張雄馮弘鐸泗州漣水人同任武寧軍偏將爲帥時溥所忌懼
禍合兵三百渡江壁白下取蘇州據之聚戰艦千餘兵五萬自
號天成軍周寶敗奔常州聞高駢將徐約兵銳甚誘使擊雄雄
匿衆海中使別將趙暉據上元資以舟械寶兵潰多降衆至數
萬以上元爲西州雄負其才欲治臺城爲府旌旗衣服僭擬王
者揚行密圍揚州畢師鐸厚齎寶幣留雄連和雄率軍浮海屯

東塘時揚州圍久聞雄至問逆挾珍寶以易米盡數給雄軍富
過所欲卽不戰去暉數剽江道雄擊殺之坑其衆自屯上元大
順初以上元爲昇州授雄刺史未幾卒雄善馭衆人思之爲立
廟弘鐸代爲刺史素善騎射侃侃若儒者結好淮南倚兵艦完
利遣客尚公迺說行密謀取潤州行密不從反令宣州田頌陰
圖之弘鐸介宣揚間不自安天復二年大風發屋巨木飛舞州
人駭曰州且易主其將馮暉等勸弘鐸悉軍南嚮聲言討頌備
實欲襲頌頌逆擊於易山大敗之弘鐸收殘士欲入海行密懼
其復振遣人迎犒東塘好言論勉送與同歸表爲淮南節度副
使徐約爲蘇州刺史約曹州人爲鏐弟鏐所攻燹窮入海死鏐
使沈粲代之約衆降潤州阮結結不能定鏐以成及討之盡殲
其衆

朱瑄宋州下邑人少豪猾從父鸞鹽犯法抵死亡命青州事王敬武爲軍校隸其將曹全晟全晟破黃巢還過鄆州值節度薛宗拒王仙芝戰死其將崔君預自稱留後全晟攻殺君預據鄆州以瑄爲馬步軍都指揮使積功署濮州刺史已而全晟復戰死軍中推瑄爲留後僖宗拜爲天平軍節度使加平章事有衆三萬陰蓄大志時朱溫新鎮宣武兵力尚少因秦宗權來攻溫恐乞兵于瑄率衆往擊大破宗權因厚德瑄死事之外施情好而內忌雄猜欲造怒圖之無由爲言納汴亡命瑄以新有功於梁答詞恚望乃馳檄兗鄆引兵而東以收亡卒爲名因以攻之若戰曹濮間瑄與從弟瑾自相首尾往來相救凡十餘年大小數十戰屢有勝敗乾寧四年瑄敗走中都爲葛從周所執斬于汴橋瑾初補鄆州軍校爲人勇冠三軍皆殘好殺求婚於兗

州節度齊克讓託以親迎伏兵與中選壯士舉與至夜竊發鹵克讓自稱留後僖宗拜泰寧軍節度使自此雄張山東梁後得瑄將賀瓌何懷寶及雖兄瓊至兗城下告以汝兄敗不如早歸瓊偽諾遣牙將胡規持書幣詣軍門願得瓊來送符印溫信之遣客將劉捍送瓊往閉門切責斬瓊首擲城外溫度不可下乃留兵圍之瓊嬰城自守乞兵於晉值城中食盡瓊出掠豐沛間命康懷英守城梁兵奄至乃以城降瓊將麾下走沂州不納梁兵追之急乃奔淮南楊行密聞其來大喜解玉帶以贈表為行軍副使大破梁兵於泚口斬龐師古授東南諸道行營副都統領平盧節度使加平章事行密死子隆演年少徐知訓專政畏瓊欲除之又強逼其愛妾瓊益不平屢勸誅徐氏以去國患隆演不能用及建泗州為靜淮軍拜瓊節度使將行知訓過瓊延

之升堂出妻陶氏拜謝瑾以笏擊知訓伏兵突出殺之瑾大呼
吾爲萬人去害一身應死遂自刎徐知誥族瑾家問者哀之

諸葛爽青州博昌人爲縣五伯苦令笞亡命爲龐助小校助賊
與泗州守將湯翠歸降累遷汝州防禦使遇李彥討沙陀表副
雲州北面招討徙夏綏銀節度使檢校右僕射黃巢犯闕詔率
代北行營兵入衛次同州降賊僞署河陽節度使遣人間道奉
表僖宗言前使羅元杲本神策將倚中官勢剽掠民財明已無
過詔卽授之克用援陳許假道出天井關爽懼不從出屯萬善
克用遂自河中趨汝洛授爽京師東南面招討行營副都統克
左先鋒使兼平章事中和二年率輕兵入同州朱溫偃旗設伏
以待爽謂已遁命士解甲就舍伏發悉棄鎧馬奔還至脩武韓
簡擊之不敢入簡復攻鄆留將趙文珩守河陽河陽人引爽自

金商復入乃厚禮文珩及戍人還之中和三年夷復攻新鄉簡
釋邠來戰獲嘉西陰窺關中會其下多不悅衆凡八萬自潰溺
於清水至爲不流明年詔夷代秦宗權爲東南面招討使夷雖
典庸斯然善吏治法令澄壹人無愁怨擢累檢校司空光啓二
年卒部下將劉經張言共立夷子仲方爲留後爲孫儒所攻奔
于汴

李罕之陳州項城人少拳勇力兼數人初爲浮屠行旬市中無
所得食乃去聚衆攻剽五臺山遇蒲絳民避亂摩雲山率其徒
攻拔之號李摩雲隨黃巢渡江殘申光穎宋徐兗等州吏皆亡
走旣乃降于高駢表知光州歲餘爲宗權所迫奔還項城收餘
衆依諸葛爽署懷州刺史爽伐宗權表爲副使屯睢陽俄轉河
南尹東都留守適李克用白上源脫難奔還迎謁甚厚相結

納未幾爽死子仲方勿事皆決于劉經經慮罕之凶勇難制以
兵攻之反爲所敗罕之屯鞏縣陳舟汜水將渡河經遣張言拒
之反與連和攻經不克交臂爲盟退保懷州旬援河東克用遣
安金俊助之俄而宗權敗走罕之與言進收其衆克用表罕之
爲河陽節度使同平章事與屬籍言爲河南尹東都留守時大
亂後野無遺粒罕之性貪暴日以寇鈔爲事言勤儉御軍有法
督民耕殖以故罕之常乏食而言常有餘罕之仰給求取無已
管其軍吏因與有隙罕之攻圍晉絳王重盈引兵來救方始解
還多掠東方貢輸晉方徇地山東頓爲扞蔽重盈縱反間言夜
襲河陽俘其家罕之窮奔河東復表爲澤州刺史遣李存孝薛
阿檀安休休率兵三萬攻言言食盡納李全忠求救遣丁會葛
從周牛存節率師戰于沅河聚休休不利降梁晉軍解去無何

罕之存孝攻孟方立拔磁州大戰琉璃陂敗戍兵數萬禽其將馬漑大順初汴將李謙鄧季筠來攻告急于晉遣存孝以五千騎救之生獲季筠讎夜走追至馬牢川敗之克用討王行瑜表罕之副都統行瑜誅封隴西郡王檢校太尉兼侍中食邑千戶罕之恃其功求一鎮屬克用愛將蓋寓爲請克用不許光化初昭義節度薛志勤卒罕之夜襲潞入之自稱留後晉遣嗣昭先攻澤州拘其家屬因復送款于汴全忠表罕之昭義節度使遣丁會往援嗣昭初戰含口不利澤州爲葛從周所取嗣昭復來攻值罕之暴病不能事全忠移之河陽卒于行年五十八子頤歸晉與存勗游嬉甚狎後復欲降梁晉王怒將殺之存勗密使速奔梁得其父子大喜使將宿衛兵預末帝誅友珪拜羽林統軍除澶州刺史後唐歷衛衍二州終右領軍上將軍年七十

贈大師

張全義卽官字國維。濮州濮陽人。本田家子。辱于縣令。亡入黃巢。德梁助已盡心委事。初至河南。戶不滿百。始披荆棘。務蓄聚。躬勞民於賦。畝之間。築南北二城。以居。數年之後。人物完盛。占籍五六萬。昭宗賜今名。被劫東遷。繕理宮闕。府廩倉庫。皆其力也。唐亡。改名宗爽。梁祖晚年。倚虐尤甚。奉事益謹。累年戰河北。兵數敗亡。輒蒐卒伍。備鎧馬。以補其缺。後敗于衛縣。道病。還洛。留之旬日。妻女皆迫。滂之全義。子繼祚。憤恥不勝。欲加以刃。固止之。曰。吾爲李罕之兵。圍城中。啖木屑。惟有一馬。欲殺以餉軍。死在朝夕。而梁兵出之。得至今日。此恩不可忘也。繼祚乃止。累拜中書令。食邑至萬三千戶。其聽訟。以先訴者爲直。民頗苦之。尋兼領忠武陝。號鄭滑河陽四節度。判六軍諸衛事。天下兵馬。

副元帥封魏王梁亡入唐泥首俯伏莊宗待之加厚與宴盡歡命子繼岌躬存紀皆兄事之又厚賂劉皇后以自託進太師中書令改封齊數幸其第后亦拜爲義父會欲掘梁祖墓全義諫曰已屠滅其家足報前怨剖棺之戮非王者大度示天下也莊宗從之祇鏹去墓闕後因討趙在禮力勸以明宗爲將莊宗不許果以兵反憂懼而卒年七十五繼祚官至上將軍入晉從張從賓反伏誅

孟方立邢州平鄉人爲澤州天井戍將稍遷游奕使僖宗時潞州節度高潯攻諸葛爽于河陽遣方立將兵出天井關爲先鋒潯爲其將劉廣所逐廣又被殺方立引兵自天井入據潞州王鐸承制假方立左散騎常侍兼御史大夫知邢州事昭義治潞州而節制澤潞邢洺磁五州時天子在西河關雲擾方立擅地

而李克用窺潞州方立謂潞山高川險風俗勁悍自劉漢
嘗逐其帥且已邢人因徙其軍于邢州而潞人怨方立之徒監
軍邢審誨乃以澤潞二州歸于晉晉表李克脩爲昭義節度使
治舊所而以邢洺磁三州分方立自爲節度昭義自此始有兩
節晉數遣李存孝等累年出兵以窺山東三州之人俘掠殆盡
赤地數千里無復耕桑方立孤城自守求救於梁梁方東事究
邢不能救文德元年復乞兵於王鐸以攻晉鐸許之遣將奚忠
信攻晉遼州尋以他故失約忠信大敗被執晉將安金俊乘勝
攻方立獲其將石元佐元佐善兵多智金俊厚遇之間以攻邢
之策元佐曰方立善守而邢城堅若攻之必不得志宜急攻其
磁州伺其來救可以敗也金俊從之軍于滏水之西方立果帥
兵來救爲金俊所敗馳入邢州閉壁不出外無救兵城中食盡

方立夜出巡城號令守者皆不應知事不可乃歸飲醪而卒軍中立其弟洛州刺史遷爲留後求救于梁梁遣王處裕將兵三百來助遷執處裕降晉徙其族于太原授遷汾州刺史至澤潞節度使天復元年梁遣氏叔琮攻晉出天井關遷開門降復爲梁兵鄉導以攻太原不克叔琮軍還以遷歸于梁梁祖惡其反覆殺之

孫儒河南人少以遷下橫里中長隸忠武軍爲裨校與劉建鋒善常曰丈夫不能轉戰萬里生取富貴賞罰由已亦當死而廟食安能厄厄久居人下乎值黃巢亂以兵勦秦宗權爲都將光啓初宗權遣攻東郡李罕之兵少退保池儒焚宮闕屠居人與諸葛爽戰洛水爽敗儒東圍鄭州乘夜登城刺史李璠走儒進拔河橋遂取河陽朱全忠壁河陰儒掠汴鄆全忠兵卻屯胙

城東南列僞旗鼓疑之僞還聞宗權與全忠戰敗復殺孟人投尸於河焚井邑乃去宗權又遣鈔淮南殺畢師鐸奏彥彥俄聞楊行密入揚州使副兪宗衡爭之建鋒爲前鋒未幾汴兵攻蔡宗權名僞還稱疾不往惡宗衡督責給至帳下斬之并收其衆與建鋒許德勳等監騎始七千因畧定傍州不淹旬有兵數萬號土團白條軍文德元年謀知行密糧乏自高郵襲之行密拔衆還僑遂據揚州自爲留後與時溥連和全忠招以書故又納款且送彥師鐸宗衡首於汴全忠以聞昭宗授僞檢校司空就爲全忠招討副使龍紀初悉兵攻宣州又得潤常蘇三州使建鋒守之恃兵益強謀先定江南乃北爭天下復畏全忠倚其虛遣人卑辭厚賄再薦於朝授淮南節度使大順元年行密取潤常守以安仁義李友儒怒三分其軍渡江復拔常潤全忠遣龐從

引軍十萬奄至高郵儒悉師禦之錢鏐將沈粲自蘇州奔儒行
密諸將皆走明年田頵劉威合兵三萬邀儒黃池遣馬殷擊走
之儒營廣德乘勝至東溪淮人大恐行密遣臺蒙屯西溪自引
軍逆戰儒軍圍之數重黑雲將李簡以騎乘之乃免遂圍宣州
陶雅以騎軍破其前鋒儒分兵取和滁二州其秋遂焚揚州引
而西傳檄遠近號五十萬旌旗相屬數百里所過燒廬舍殺老
弱以給軍行密懼欲奔銅官其客戴友規止之曰儒軍數敗今
掃地而至決死於我若吾遣降者間至揚州撫慰衣食以儒軍
聞其家尚完卽人人思歸可不戰而禽也行密以爲然遣親將
入城取糧數十萬斛以廩饑民使陶雅屯潤州扼其歸路時劉
威方繫獄更名問計與李神福同請據險邀儒饒道行密從之
分兵陸廣德適軍大疫儒病殆遣建鋒與辰鈔誘縣行密謀知

兵寡率仁義。頽晨出背城決戰，破五十壁。會暴雨，晝收僑軍，大敗。頽執獻行密，斬之。諸將皆降，傳首闕下。建鋒殷哭之後，殷據湖南表，贈司徒，追封樂安郡王，立廟以祀。

趙匡凝，字光儀，蔡州人。父德誨，事秦宗權爲右將，以討黃巢功授申州刺史，攻下襄陽。劉巨容走，假以山南東道節度。留後進攻荆南，留裨將王建肇守之。明年，郭禹來討荆南，復失。又度宗權必敗，乃舉山南東道七州，盡以降梁。梁王勳爲宗權所困，聞其至，大喜，表爲行營副都統，加忠義軍節度使，會其兵以攻。權破之，加中書令，封淮安郡王卒。匡凝由唐州刺史自立，爲留後。昭宗授檢校太尉，兼中書令，爲人氣貌甚偉，性方嚴，喜自修飾，頗好學，問聚書數千卷，爲政以威惠聞。值荆南成汭爲雷彥恭所襲，敗死。匡凝復遣弟匡明逐彥恭，入之。王表匡凝荆襄。

節度使以匡明爲留後是時王室衰微藩鎮不復奉朝廷獨匡
凝貢賦不絕天祐元年封匡凝楚王匡明檢校司徒荆南節度
行軍司馬梁已破兗郛遣氏叔琮康懷英等攻匡凝取泌隨鄧
三州匡凝懼請盟乃止梁將謀代唐畏其兄弟不從遣使告之
匡凝對使者流涕曰受唐恩深不敢妄有他志梁遣楊師厚來
攻而自引兵燬于漢北瀕江與戰大敗乃燔州單舸奔楊行密
厚遇之爲徐溫所殺匡明奔成都王建待以賓禮授武信軍節
度使梁遂盡有荆南

成汭青州人少無行使酒殺人亡爲浮屠後入蔡賊中爲假子
更姓名郭禹當成江陵亡爲盜保火門山降荆南陳儒署裨校
久之張瓌囚儒惡禹凶慄欲殺之因結千人入峽夜有蛇環其
所祝曰有所負者死生唯命旣而蛇亡禹乃襲取歸州自稱刺

史招還流亡訓練士伍得勝兵三千宗權故將許存來奔昇以
青州剽卒三百使擒荆南部將牟權于濟江併其衆又破王建
肇奔黔州昭宗拜禹荆南節度留後復其姓名宗權餘黨常厚
攻夔州刺史毛湘與西川王建將屯忠州疊爲唇齒沔乘二軍
之間幸許存攻之夔將韓楚言諄辱沔沔恥之誓曰禽賊當支
解以逞會存夜斫營襲厚破之厚奔萬州刺史張造拒之復奔
綿存遂入夔楚言妻李氏語夫曰君常辱軍且支解不如前死
楚言尚猶豫李礪刀斷其首并殺二子乃自到沔至多其烈加
禮葬之刻石表爲烈女使司馬劉昌美守夔仍率存沂江畧雲
安建將奔還存按兵渝州盡下瀘江州縣時建肇據黔已領武
泰軍節度使沔遣趙武與存攻走之以武爲留後存爲萬州刺
史存意不滿將叛遣將襲之夜與建肇奔降王建沔頗知吏事

詳於治獄錄囚必盡其情始任民版無幾未滿再期自占萬餘
帝數詔刻石頌功進檢校太尉中書令爵上谷郡王與韓建同
以治顯號北韓南郭畜兵五萬仰給雲安榷監初任賢者賀隱
舉動少過晚任妻父譖殺諸子遂至絕嗣喜俱方士藥瀕死復
蘇天復三年楊行密圍鄂州泚舉全軍自將與馬殷雷彥威倚
角其下知不可抗無敢諫者行至公安卜不吉欲還親吏楊師
厚止之云無以見百姓泚乃行至君山諸將念私無鬪志李神
福壁沙橋望泚軍戰艦雖盛首尾斷絕可取舉火焚之衆大潰
泚投江死士民皆爲彥威所劫王建遂取夔施忠萬四州天祐
中全忠表泚死國事請與杜洪皆立廟

杜洪鄂州併兒自少強雄黃巢亂刺史崔紹募民爲土團軍與
吳討駱殷同起應之中和末紹卒杭州刺史路審中爲董昌所

破客黃州募士三千入鄂推洪爲州將擊賊有功遂據岳州遷
刺史居之光啓二年安陸賊周通復攻審中亡去洪乘虛入鄂
自爲留後僖宗拜節度使初起單弱旌節雖行尚資鍾傳轉依
朱全忠絕東南貢路乾寧初討亦據黃州殷據永興剽掠特甚
洪往擊之乞師行密助以朱延壽拔黃州獻俘京師殷棄永興
走行密取其地永興大縣饋餽所仰洪方倚爲腹心與殷復取
守之行密怒使李神福劉存幸舟師萬人來討圍鄂州洪嬰城
請救於汴全忠率兵五萬攻吳營霍丘不利引還使別將吳章
以兵三千解圍神福迎破之時汴晉交攻不暇來援洪急求助
於馬殷不答計窮復走汴全忠遣曹延祚合章兵萬三千救洪
存已潛坎傅城殷爲洪謀淮兵深入仰永興以濟若用奇兵取
之賊不戰而潰乃引精兵合汴士三百問道掩取復爲存將苗

彘所敗禽士以徇洪軍氣沮存遣辯士臨說洪恃汴強無降意
俄而汴軍走城遂陷被執及延祥皆斬揚州市

盧光稠諱全播皆南康人光稠狀貌雄偉材能不踰中人全播
勇敢有識畧然常奇之見唐末盜起相與聚兵每謂天下洶洶
此真吾等砥礪之時無徒守此貧賤爲也會衆推全播爲主辭
曰諸君徒爲賊乎無亦欲成功也若欲成功當得良帥盧公堂
室真若等主衆陽諾之全播拔劔擊木三斬之曰不從吾令有
如此木衆懼遂立光稠爲帥時王潮陷嶺南全播先取虔韶二
州又遣光稠弟光睦攻潮州因其好勇輕進戒以持重不聽虔
必取敗更爲奇兵伏其歸路光睦果走潮人來追伏兵邀擊大
敗之遂取潮州劉巖復擊走光睦以兵數萬攻虔州光稠大懼
諉以非全播莫能守荅曰吾知巖易與爾預選精兵萬人伏山

谷中陽治戰地於城南告嚴戰期使老弱五千嘗賊甫交僞北
嚴急追之伏兵發縱遂大敗光弼次第戰功全播悉推諸將心
益賢之時嶺表分屬吳與南漢光弼獨請命於梁願通道路輸
貢賦梁爲置百勝軍立爲防禦使兼五嶺開通使又建洪州爲
鎮南軍以爲留後開平五年光弼病屬全播符印復不受卒後
立其子延昌以好遊獵爲部將黎求拒殺全播稱疾不出求乃
自立乾化元年以暴病死部將李彥圖復自立全播益稱疾篤
杜門自免彥圖死州人相率扣門懇請全播始起視事遣使請
命于梁拜防禦使凡治虔七年有善政後因楊隆演遣劉信攻
破虔州卒于廣慶年八十五虔州遂入于吳

雷滿字秉仁武陵人本漁師素以克悍矯勇文身短髮廣頰中
湖南饑盜起與同里人區景思周岳等聚諸蠻數千獵于大澤

中擊鮮醴酒擇坐中豪者補置伍長號朗剛軍諸蠻從之推滿
 爲帥景思爲司馬後隸高駉麾下以蠻軍擊賊旋又逃歸殺刺
 史崔翥遂據朗州請命昭宗建禮朗爲武真軍拜滿節度使檢
 校太尉同平章事是時江西人閔頊逐潭州觀察使李裕自爲
 留後龍潭人鄧處訥又自爲邵州刺史頊字公謙治民有恩後
 爲淮西將黃皓所殺岳字峻昭與滿有隙聚衆趨衡州逐刺史
 徐顥自領州事聞亂以輕兵入潭州自稱欽化軍節度使處訥
 聞之入哭結滿爲援攻岳斬之遂領潭州昭宗拜武安軍節度
 使不數日降劉建鋒澧陽人向瓊亦殺刺史昌自牧據澧州而
 溪洞諸蠻宋鄴昌師益等皆起兵剽掠湖外滿以輕舟上下荆
 江攻劫州縣會成汭敗滿襲破荆南不能守焚掠殆盡而去居
 朗州引沅水壅其城上表建橋爲不可攻之計天祐中卒子彥

恭嗣常名吳人攻平江許德勳擊敗之開平元年馬殷使秦彥
暉攻彥恭恃璽爲阻逾年不能破其弟彥威結趙匡凝以逐彥
恭遂奔行密殷擒其弟彥雄等送梁澧瑠遂入于楚

鍾傅洪州高安人以負販自業力能搏虎爲州小校後爲盜從
王仙芝衆至萬人推以爲長乃鳩苗獠依山爲壁自稱高安鎮
撫使仙芝遣柳彥璋略撫州不能守傅入據之言諸朝詔拜刺
史中和二年逐江西觀察使高茂卿遂有洪州撫州民危全諷
駁傅去復竊州以叛使弟仔昌據信州僖宗擢傅江西團練俄
轉鎮南軍節度使檢校太保中書令爵潁川郡王又進南平率
兵圍撫州天火其城士民譙驚命止勿攻祝口全諷有罪與民
無預火卽止全諷聞謝罪聽命以女妻傅子匡時擊馬殷又選
健將彭玕爲吉州刺史倚以爲重居江西三十餘年卒自廣明

後州縣不鄉貢。惟傅歲薦士。行鄉飲酒禮。率官屬臨觀。資以裝
齎。故士不遠千里赴之。晚節重歛。至商人乘其貨去。齎搏虎狀。
戒子孫勿効之。匡時由袁州刺史自立爲留後。其弟江州刺史
匡範怨之。鄂州附淮南楊渥。譖以將結汴人來攻渥。使秦裴圍
洪州。凡三月。城陷。執匡時。赦之。斬司馬陳象于市。吉州彭玕失
所依。遣使厚結馬殷。且親虛實。還報將校輯睦。恐未可圖。遂歸
欵玕。通左氏春秋。嘗厚假募求西京石經。揚州士人多往依之。
始全諷聞匡時立期。以三年後我往自取。及是畏渥兵盛。不敢
救。潛謀攻渥。會淮南亡。將王茂章過州。請曰。聞公欲太舉。願見
諸將才否。全諷蒐衆十萬。邀茂章觀之。對曰。揚州有士三等。公
衆正當其下。益更益之。全諷不聽。卒爲渥將周本所執。遂并其
地。諸將議行密取。趙鏐全諷給餽有功。釋而不殺。

劉漢宏本兗州小吏從擊王仙芝劫輜重叛去乾符末都統王
鐸使守江陵焚掠民廬靡無完戶棄城北去復爲聚盜鐸遣將
崔錯降之表爲宿州刺史恨賞薄有望言會柳瑄得罪乃命代
爲浙東觀察使僖宗在蜀貢輸踵驛而西帝悅寵其軍爲義勝
軍卽授節度使旣據有七州志遂侈大以讖語卯金刀自任有
鴉噪廷樹斫之中和二年遣弟漢宥率諸將攻杭州壁西陵爲
董昌所敗復遣兵七萬瀕江而屯昌使錢鏐宵濟襲破之明年
出屯黃嶺發洞獮同攻昌鏐出富陽擊諸營多潰去漢宏大沮
列艦西陵謀夜渡江鏐又俘馘五千漢宏羸服走明日復賊斬
其弟漢容將辛約時諸將鍾季文守明慮約守處將瑒守婺杜
雄守白朱襄守溫襄兵最彊漢宏使治大艦習戰部兵十萬以
史惠施堅實韓公汝將之帝聞杭越孳戰遣中人焦居璠持節

詔通好皆不奉詔光啓三年鏐丰諸將攻越自趨導山破公汶於曹娥塋與鏐戰燒其艦進屯豐山堅實降漢宏丰麾下六百人走台州杜雄執以降及母妻皆被戮

王敬武青州人爲平盧牙將廣明元年無棣人洪霸郎爲盜齊棣間節度安師儒遣敬武率兵擊破之敬武反兵逐師儒自稱留後都統王鐸承制拜爲平盧節度使趣其兵使西入長安京師平進檢校太尉同平章事卒 于師範立時年十六頗好儒學聚書萬卷臨政有威愛不私其親棣州刺史張榜叛昭宗悉其年少下不服從乃遣崔安潛代領其鎮師範遣將盧洪攻蟠洪又以兵返襲青州師範陽爲好辭遣人迎洪曰吾幼未能任事賴諸將共持之不爾聽公所爲洪度師範無能爲遠還不爲備師範諫語其僕劉郃伏兵于道許令斬獲代爲牙將明日洪

來師範出迎斬於坐上伏兵盡殺所部又命郡急攻棐破安
潛奔歸京師梁圍鳳翔名諸鎮以兵擊之詔至師範泣曰吾爲
天子守藩君危不持可乎乃遣使乞盟於楊行密令張君厚賚
甲仗百與密引壯士二百爲與夫給爲獻者西馳梁軍欲行劫
殺至華州爲州將婁敬思所覺崔胤方在華閉門拒戰士皆擐
甲噪君厚擊殺敬思進攻西城不克而反時梁已東下兗聊師
範遣郝與其弟師魯分攻兗密諸州又潛入河南徐沂鄆十餘
州皆起兵梁遂引兵東還遣朱友寧來攻戰死復遣楊師厚屯
于臨朐師範以兵迫之師厚陽不敢出間使揚言梁兵少方徵
於鳳翔今糧且絕當還軍師範以爲然遣師魯悉兵攻之伺其
兵還師厚追擊至聖王山師魯大敗遂傳其城執諸將及其弟
師克時師範尚有衆十餘萬以其弟故乃素服乘驢詣梁請降

梁待以客禮久之表爲河陽節度使篡位轉右金吾衛上將軍
徙居洛陽心欲誅之未有以發適諸子會宴宮中友寧妻泣訴
陛下化家爲國諸子人人得封而妾夫獨以戰死奈何譬人猶
在朝廷翌日遣人就洛陽族滅之使者至師範設席爲具聚諸
宗痛飲已酣令少長以次就戮曰吾不令其失序以下愧先人
耳聞者皆哀怜之同光三年追贈太尉